

四庫全書

集部

欽定四庫全書

集部

桐江續集卷二

詳校官中書臣孫溶

主事臣呂雲棟覆勘

總校官庶吉士臣倉聖脉

校對官典簿臣劉景岳

謄錄舉人臣陳賓

欽定四庫全書

集部五

桐江續集

別集類四

元

提要

臣等謹案桐江續集三十六卷元方回撰回
字萬里號虛谷歙縣人宋景定壬戌別省登
第提領池陽茶鹽累遷知嚴州宋亡降元即
以為建德路總管尋亦廢棄回所撰有虛谷
集今未見此桐江續集皆其元時罷官後作

集中有自序稱二十卷而千頃堂書目作五十卷今觀集中四卷末題從事郎寧國路儒學教授同舍生曹祐編次五卷末題云方存心正心刊行六卷末題勅授徽州路儒學教授馮夢龜林一桂等刊九卷末題表姪劉秉懿謹編刊行十卷末題甥姪汪庭芝謹編二十五卷末題古杭徐芝石宅滄浪山房刊行二十七卷末題學生徐編次而佚其名則後

人所增益非其舊也此本猶元時舊刻有玉
蘭堂印又有季滄葦藏書印蓋文徵明所藏
復歸泰興季振宜者詩集闕一卷二卷三卷
二十一卷二十三卷二十四卷二十六卷三
十二卷三十四卷三十六卷三十九卷四十
卷四十一卷僅存二十九卷文集惟第一卷
目次可辨餘皆初刊稿本卷字但有墨臺不
知首尾以數計之尚存八卷蓋佚其十三卷

矣中間尚頗有缺頁無別本可校今亦仍之
觀吳之振重刻瀛奎律髓疑書首一序非回
所作今集中載此文在送王後甫序後知其
未見此集則亦希觀之本不以殘缺廢矣回
人品卑污見于周密癸辛雜識者殆無人理
其初以梅花百詠媚賈似道後似道勢敗即
迎合時局上似道十可斬之疏得知嚴州元
兵將至倡為死封疆之說甚壯既而不知所

在則已迎降于三十里外矣其居心尤巧詐

可鄙

按明都穆南濠詩話嘗為回辨白然穆別無所據但云夢中見回自辨然則欲

顛倒前史是非者皆可託之于夢矣故今不用其說謹附識于此然觀其集

中諸文學問議論一尊朱子崇正闢邪不遺餘力置其行而論其言則可采者多未可竟以人廢其詩尚主江西平生宗旨悉見所編瀛奎律髓中雖不免以粗率生硬為老境而當其合作實出宋末諸人上就文論文亦編

唐人集者不廢沈宋之意也乾隆四十四年

二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

桐江續集卷一

元方回撰

仲夏書事斗首

園林夏且曉葉葉溜晴光此地吾能淨非天獨肯涼汲
泉看馬飲剗草免蛇藏似亦為形役終無市井忙

南風吹密樹古屋隱林隈捲畫防梅雨鑿詩惜石苔醫
書鄰叟借庵記野僧催細省仍微笑猶勝走俗埃

幽居少四隣長日屬閒人石氣常蒸霧鶯聲不改春子

錢償未已卯酒醉何頻說與耘畦者無錐未是貧

閒身何所事詩外別無心但見獨危坐焉知長苦吟
兵戈生長老夢幻去來今感慨亦徒爾賓來酒且斟

息擔秋云季扶犁夏欲中園林初畏日里巷只雌風
餅粥慳鱠脯醢鹽劣韭葱藕絲冰水舊誰識少陵翁

菜挾朝醒後茶甌午困前入簾禽避彈升竈蟻求糴
觀物因多感謀生各務全蠶登新麥賤田叟荷皇天

勁瘦元弘博淒酸忽壯豪為詩兼衆體此事屬吾曹
俗

學三書虎雄心六鈞鼇蘭枯菊猶短不羨蜀葵高

棄置乾坤事歸休水竹居不因徵急債儘可讀殘書
糝畚田粟薑羹石澗魚論文同小酌未覺故人疎

細酌浮菖酒閒吟樹蕙文賣符羞米賊采藥按桐君
日近梅溽午風生草薰湖航三紀夢荷蓋石榴裙

暑月憶寒月老身兼病身簞誰分長物酒併缺賢人山

市冰難致家園蒜自珍黃芽冷香飲迴首歎揚塵

予向客從

魏靜齋夏秋之間服黃芽煎附子木
香冷飲然僅年五十一今沒十五年

贈地理齊君龍吉

積善出公侯今於葬地求樊崇如叵測郭璞殆徒謀折
臂終難驗控頤自可憂未拋金鎖甲焉問土饅頭

獨遊塘頭五首

予有小塘園屋在歙縣左數十步傍問政山先
世墳墓所由之路癸未五月初十日晚避俗往
游獨坐久之所得全集非城市所能有也出東
門入南門轉深塢瞰大溪而歸後當數數如此

矣燈下遂成五詩又當思所以名是塘者

納謁心全嬾紬書眼倍昏偶思行藥圃獨往叩柴門濕
岸鳧梳羽頽塍棗露根元來好詩句只在數家村

詩必城之外胡為不出城漸逢人少處初聽水流聲異
卉梔香釀纖梢笋粉明是中亦堪隱浪出誤平生

蒲藕上塘種養魚於下塘積泥春糞樹儲水歲澆秧未
藉知章敕堪浮逸少觴掃松須憩此繫馬古垂楊

密樹窺青果方塘數綠荷久晴田水細向晚野烟多元

坐幾忘起成詩費屢哦歸鞍猶覺早再欲叩煙蘿
雉雉古原側歸牛荒潦濱炊煙已昏野花氣更留人刺
欲培幽築端容買近鄰向來惟有夢今此豈非真

五月十一日早問政山房三首

道士攜壺酒相迎勸瓦卮野葩芳杖屨林靄潤鬢眉自
說夜頻醉不知朝有飢問曾辟穀否擘樹嚼松芝

老松
身青

芝生馬道士謂為仙茶手掌熟揉
咀嚙有味嫩松芽嚼食微酸亦佳

四十里蒼翠中環萬屈盤望城藏谷底覓路上雲端笋

出一春醉樵深三伏寒山翁無將相祇是敬黃冠

山中
人六

十戶皆以笋為生經春賣
笋得錢舉家日在醉鄉

縱不燒丹汞村人總是仙今朝才酒債明日有柴錢指

草能醫病爭碁每讓先活龍肯相贈竹杖掘深鞭

是日
野人

掘竹拄杖二
枝甚古妙

贈送李顯之 世榮

君居予昔至古鄆泰山隈釣地盧泉羨帆天鉅野開霸
思齊相競道感魯儒培歷世傳微學隨時產異才稍窮

南土勝端為北堂來金錯傾求硯斑衣戲捧杯三春芍
藥國六代鳳凰臺搜覽心應愜題評句必瑰暑風初綠
稻霖雨正黃梅江路宜珍護鵬程積漸催

梅雨連日五首

蓑笠千村外乾坤五月中若無梅子雨焉得稻花風深
貯陂塘滿交流畎澮通還知周廩積敢嘆阮途窮
草樹加蒙密波濤計渺冥似宜穿野屨直與眺江亭薪
濕廚煙重泥渾井汲腥虛堂坐昏黑時見一流螢

雨應猶不止終夕汗如濡胡蝶魂才返蒲牢韻已殘身
今栖歛谷家尚寄巖灘江漲忽如許垂流未覺難

驟駭寒成暑難求簟換氈通身都是癢徹曉竟無眠鼠
侮猫猶幼蚊邀蚤共儂順流日千里便合上江船

豈不苦於雨江昏水迫城市民局暗戶軍婦哭空營螢
外無燈影葦邊有柝聲百憂餘一喜曉望稻畦平

雨後

荒園綠草長無客到書堂百尺輓轡冷一林蒼葡萄香杭

書歸蠟屐睦艇致藤牀閒步復閒卧身涼心更涼

次韻謝平心胡祕監見惠生日五首

晚生何敢跂前賢
夫子宫牆賜及肩
憶枉朝車十官宅
喜成鄰舍萬山巔
尚堪湖學生徒齒
恰少汾陽考第年

予少先生二十三歲今年八十想得囊中有仙訣
形容枯槁但神全

五朝遺老冠時賢
家祭猶無掩豆肩
文采春花洛陽苑
精神秋隼華峰巔
難兄共對三千字
晚境今開九十年
富貴朱門百雜碎
先生歸卧故廬全

勢途勇退似差賢
馬用鴻門切盾肩
早賜輜輶埋厚夜
寧扶柳栗走荒巔
泥龜不羨鴟鵬路
糞茵徒輸枯栢年
我謂是身如尺璧
深藏短褐庶能全

酒可吾中孰聖賢
定開愁眼聳吟肩
共憐雪鬢雙垂叟
時到花屏萬仞巔
暫借松陰消永日
敢求藥訣覩長年
風驚塵愕奔車跌
醒者蒼黃醉者全

風追電逐角材賢
我獨從公息擔肩
野曠杖藜臨絕景
山寒采椽度層巔
淡湯煮飯身無病
小秤收租歲有年

臭索腐倉死兵火何如清節保生全

出馬家塢

野迥夏無暑塢深朝更涼
路隨流水轉山背古城荒
縣宇歌紅閣僧庵缺粉牆
暗驚兵亂後猶有數蓮塘

白水寺

壁畫暗金剛無人犬吠堂
翠苔千古潤玉水一尋方
塵路雲蒸火陰林石凝霜
仙凡元不遠咫尺異炎涼

坐白水寺門亭

百病今朝愈城南野寺濱石崖陰欲凍沙路瑩無塵松
老枝垂地溪清水見人僧瓶送煎茗泉冽味尤新

次韻汪翔甫讀予詩藁見寄二首

我詩剡侯劍玉具謝華裝老矣三荒逕悠哉一瓣香漫
垂船子釣嬾下趙州牀忽憶高軒過仙巾戴華陽

十年兵甲夢投老卸戎裝有藥醫詩病無花惱夢香書
明螢度几簟冷竹遮牀屬與公攜酒蹉跎換歲陽

次韻汪翔甫和西城呂全州見過四首

想見花間路籃舁草草裝叩門馴犬喜入室蠹魚香躡
石苔粘屐眠松露滴牀馬知人世事積甲又宜陽

聞道過從地衣冠異俗裝小孫迎勸酒後院出行香賈
客珠量斗侯家笏滿牀未如者舊輩龐馬隱襄陽

五鼎封君食千金奉使裝儻來皆外物不朽有真香滿
酌聖賢酒虛爭上下牀細思諸葛事只合卧南陽

驟見纍侯印遙聞趣相裝相期終古事未用暫時香清
論玉霏塵高眠雷撼牀前魚又堪笑紅袖泣龍陽

七月初一日晚大惡風而雨

焦原沸澤火雲紅忽變煤炰漆暮空定謫毒龍移舊穴
併驅竒鬼助狂風落泥朱實爭殘果劈瓦青株惜半桐
審雨堂中知是夢未須豪橫詫衰翁

予門大桐木幾劈
去少半桃實紛墮

中泥

寄題佛智忠禪師實庵 併序

佛智大師法忠俗姓徐江西隆興人本號收庵
端平間習庵陳埴和仲為改曰實庵自吳抵歛

說法四十餘年至元癸未年七十二矣預作宅
兆於葛塘而以實庵扁其屋虛谷居士方回為

說偈曰

皺皮槁項換兒童依舊恒河見性同作蠶蠶寧長戀葉
蛻形蟬待別嘶風雙趺可逐茶毗盡隻履誰知宰堵空
設土饅頭誑人眼新羅鷄子過天東

實翁大笑笑虛翁自闢新庵地幾弓萬事我俱捐墮甌
百年公已辦幽宮恢張遠筭遺身後跳脫迷魂出夢中

智了愚冥莫分別乾坤黃落一秋風

暑中間詠六首

解轡去秋杪牆垣翳藿蒿荷鋤今夏半籬落熟瓜桃道
左門常掩兵餘井未淘向來手親種唯喜一桐高

驚奔萬馬屯豈料此身存長日唯三飯閒時或一樽泉
深添井索果熟閉園門老病更炎熱收心此避喧

能靜何憂暑惟慳足禦貧每圓歌枕夢不記剖符身僧
熟頻求字僮頑自澣巾林間坐磐石山畔駐行人

謂我無憂者其誰會此心乾坤今古事歲月短長吟井
冷增瓜味軒晴表樹陰樽中適有酒聊與客同斟

嘆息歸來晚園林亦自都疎篁新出笋乳燕倍添雛喜
雨詩成軸省山畫作圖醬醯資豆麥伏近笑無儲

籬門矮復斜烏柏發枯槎曾守諸侯土還同百姓家葛
囊懸苜子梅鹵漬椀花臧獲修時事分衣缺布紗

六月雨

六月今年雨千山每日雲稻登全可望樹密最宜聞預

免憂飢色先收破暑勳稍容驕蛤蜊且為屏蠅蚊

又雨

霞紅疑太早果不是晴天市漲危侵戶村流喜入田昏
昏鄰寺鼓滃滃晚廚煙明日應猶雨宵甜一枕眠

急雨

極熱方亭午濃陰忽半空衆蟬瘖急雨獨鷄顛高風過
濕蔬爭綠矜晴果驟紅樹涼宜就飲殘滴入樽中

六月半屢雨

甘雨作豐年尤宜近伏天水無過大海旱不救良田六月茅簷滴千村飯竈煙山城秋意早新粒市香私

六月二十日雨

天憐野老饑初不待人祈雷與奔騰驟煙魚映帶微已
拚泥弊屣更喜滴單衣暗想田塍上禾秋蚱蜢飛

雨後

重濕抖筠籠追涼滌瓦鍾之香嫵婢索得酒賴兒供紙
潤剪彌鈍墨膠書不濃幽齋雨中詠寄遠意還慵

次韻程以忠同飲

飲濕自嫌無聖酒，摘鮮猶幸有真茶。
艱危昔偶分侯竹，老病今還斲庶瓜。
已約社鷗盟水石，尚驚征馬困風沙。
醉人不管傍人笑，瘦影伶俜鬢鬢髵。

風雲變化世常有，丘壑盤旋誰與同。
駕馭孟嘉真得勢，滑稽方朔浪言工。
律嚴詩友何妨少，租薄秋田亦幸豐。
兩手搔頭指欲禿，猶堪舉酒吸長虹。

三十年重到紫陽觀

石路崎嶇喚渡船
松蘿穿盡望中烟
繆為白髮二千石
輕別紫陽三十年
洞冷欽心歸酒地
閣虛攜眼上詩天
丹砂九轉猶多事
解飲能吟即是仙

次韻張文煥慵庵萬山堂即事二首

鏹

張侯詩思湧如泉
吟榻橫陳翠麓巔
十雨五風今樂國
千村萬落幾人煙
賞心眺覽知何筭
轉首音塵竟弗傳
句勒口碑天共遠
不虛佳月佐觥船

新晴鐘鼓暮樓臺
人與清空兩不埃
日已頓無宣子畏

雲應全為退之開夜涼河漢牛初渡秋爽關山鴈欲來
好向豐年作張主未須松鼎煮丹胎

次韻張慵庵立秋有懷

西風一葉未為稠積雨寒添客思秋試以物情觀燕壘
可無心事寄菟裘何堪辦三錢水竹豈能踰十稔樓
真是先生有歸興不應如我雪盈頭

次韻張慵庵言別就送

屢陪幽話探玄關虛往無何已實還遠眺每窮千里外

佳吟時見一聯間，致身霄漢名方起。
回首林泉意欲閒，聞說姑溪卜新築。
會須容訪郭青山。

送慵庵不及用韻奉寄

東城追迹過西關，橋上紛紛送客還。
攜酒踟躕才水次，鳴珂躑躅已雲間。
摘茶貿食民尤寡，掘蕨燒畬土不閒。
細為明時問疲俗，往來亦足當游山。

送李籽黥縣

黥縣小桃川年來異昔年，民間何所苦。
兵後最堪憐，石

墨湮深井秋杭斲廢田喜聞新令尹清白有家傳
邑貧風俗儉君去共弦歌持已心宜肅臨民色要和寒
儒尤可念巨室已無多好與諸耆舊商量細撫摩

送張慵庵

南望閩浙北望淮山水江東此郡佳眼有一塵辜眺覽
腹無千古費安排剪刀鋒快雲裁句練帶溪長月繫懷
獨見張侯富才思不同餘子醉金釵

次韻謝李寅之鄂渚見寄

名直清號南麓江陵府人丙子生今年六十八

龍沙象徼各行役

子極北至松漠
君極南踰桂嶺

漢樹江雲頻寄詩政

爾一天心不隔其如兩地夢相思投簪得謝今無事命

駕尋明會有時未愛鏡湖矜敕賜更能宣室對神釐

叩戶驚傳千里使開緘快覩七言詩古希年迫公猶健

不仕風高我所思兒大知書聊慰意家貧食粥亦隨時

邇來稍喜休兵革賽社秋場醞祭釐

八月初一日

秋風幾日尚無詩政坐炎歊轉赫曦閒被貧為魔攪撓

病須涼當藥醫治薄田董穫收新粟老圃開包獻巨梨
顧此亦差勝窮宦迴頭何啻十年遲

八月初二日

蟬聲漸漸怯西風閒撚青枝翫菊叢老去一身都是病
寤來萬夢總成空喜分果餌小兒女浪費新蔬頑僕僮
嚴瀨家人報船至更營樽酒惱衰翁

次韻汪以南教授美康使君新政因及賤迹四首
吾州今歲得儒臣坐鎮浮澆力萬鈞月榭風臺尋古迹

煙畦雨隴勞遺民長庚往往詩無敵子美云云筆有神
老嫻未遑致三請低回祇欲老垂綸

潰蟻狂瀾拔地來日多事變少人才鼎鐘古篆盲誰識
布素輕縑拙易裁夷甫風流空自命子山詞賦有餘長
邦侯博雅難酬對且向筵前覆酒杯

漢廷久已推三傑魯國終難致兩生雲雨蛟龍真有勢
風霜草木易無情小遲玉璽徵黃霸定許青門老邵平
勇據臯比作歌頌依稀駟馱似難賡

石壁峰前舊泮林
新培槐市綠成陰
川流決潰終歸海
木德迴環會守心
夷軌得朋殊未艾
長謠懷感抑何深
矧伊色笑逢民則
好續當年躑躅吟

八月十二夜對月

胡牀正面紫陽山
淨掃晴階掩夜關
金氣漸寒風露下
冰輪欲滿斗牛間
哀懷突兀來千感
暮齒逍遙保一閒
天役萬形仍自役
何為西墮又東還

八月十五夜對月

散髮披襟一再窺未甘兀兀守書癡月圓照盡天圓處
秋半涼當夜半時人世無燈方作夢山翁有酒更能詩
此心除却嫦娥外惟許峻嶒瘦影知

次韻僧自文見贈四首

去思無德政豈有吏民碑家乏千頭橘官羞七尺著樵
蹊談野史茗榻和僧詩是事山中好歸來始得知

諸侯
著七

尺

浪說揚州鶴居多薦福碑聽師無孔笛棄我不靈著冷

閱人間事閒題物外詩修行真有力肯被鬼神知著歲久則

不靈古之筮者歲易之

空庭風捲葉壞廡雨淋碑起廢須成厦占孚預擊著紅

樓追曩集碧落待誰詩非有鈎牽

原缺三字

亦未知

古將筮擊

著贛以發其神紅樓集唐僧廣宣詩碧落元厚之少游荊州讀書龍安寺後為師創此堂題詩

莫詫橫磨劔寧為沒字碑問花驚兔麥賦藥護羊著今

我都無事非公不作詩夜窓各堅坐兩地月明知羊著麥門

冬也謝靈運山居賦五華九實二冬三建二冬謂天門冬麥門冬

次韻康慶之見過醉歸讀予鄙作

郡總管
名天錫

飯顛山頭老面瘦沈香亭止醉顏醒二豪詩骨已淪淵
誰能汲古出深井康侯天筆雕風騷一蹴已過廬山高
大鵬運海翔六翮我豈能為腹背毛

次韻康慶之秋雨喜涼書懷五首

躁求慾火熾寂守德宇涼斯人老世故秋雨鋤驕陽季
邱雞浪鬪臧穀羊俱亡矢詩寫高懷脊如見清揚

少年健如虎不信髮齒落風雨淒其秋衆葉失所託深

潛泉自滋猛鍛石亦鑠細思陶元亮大勝王鎮惡

補衮據鼎鼐賜履銘旂常流汗每浹背孰知北窓涼協
力誅楚新見忌於高光商山與富春采釣庸何傷

游子悲天涯志士栖山阿少游一欸段何必減伏波矧
鑠豈不偉末路終蹉跎催科拙下考當如陽城何

雨隴秋告稔風庭夜饒清疲庶感幽念未用思神京矧
茲九日近亦足醉菊英公暇一出野細詢田父情

次韻康慶之題子桐江詩卷

每愧詩無古風調
背山樓閣曠花禪
稍知海若吞河伯
敢眩蹄涔一勺渾

小儒百窟似貧戶
薪及庖廡禱作禪
梓澤珊瑚許窺否
未多玉璞與金渾

寄題馮君寧國夢堂

六如第一伽陀字
堂扁荆傳彈鋏馮
肖象謂當求傅弼
傷麟無復見姬公
發棺義已叅坡老
札闥朝猶憶醉翁
栩栩侯王熱人眼
渠知身落大槐宮

次韻康慶之秋夜客懷自述

遜肥久已遠，置羅獨慨流年老。易過宦學向來千，齟齬
功言竟復兩蹉跎。是山可隱在人耳，今雨不來如彼何。
羣蟄閉關迫，搖落未須輕奮怒。蠅戈

次韻康慶之催借所著及謝見過

聞道公家所著書，擔囊荷篋喘肩夫。定應未肯輕傳借，
良賈深藏有若無。

胸涵太古恐無鄰，面著微埃詎許親。願肯城南訪窮巷，

松風時煮一甌春

次韻康總管慶之和碑字韻二首

周頌岐陽鼓秦銘泰岳碑覽觀明古鏡推測妙神著真
復登三事何如賦萬詩江湖頻作郡棠蔭有人知

山游靈運屐寺乞簡栖碑歲計多栽菜流年嬾問著醉
眠書當枕禪戲偈成詩鬢白非今日何勞曉鏡知

送張錄事誠二首

歙州江見底錄事亦如之休吏早封印訪僧閒著棋舊

鞍羸馬出矮屋破簾垂行處與住處官清人不知
雖然精吏道不肯失民心但飲鄰牆井猶償月俸金舉
家惟菜味附邑更棠陰久弄周昌印臨文勿太深

九月初一日

滿城風雨夜初長曉徑衣單野圃荒秋着此寒欺老我
詩將何句待重陽山容競爽穿疎樹菊意高騫迓早霜
人事日非物良是悲來誰辨鐵為腸

次韻寄川無竭併送所撰旃檀林記二首

彭門不記舊樓黃吟社參寥未肯忘更着雪添雙短鬢
早驚秋隔兩重陽遙知刺種旃檀樹便擬同焚艾納香
勉為龜蚌驅兔穎愧無雄健亢三長

多生曾結短檠緣埋沒書蟬不記年左鬱右鄰窺奧藏
南浣北嶧問竒鑄更饒曼倩三冬學未抵天龍一指禪
絲盡繭成終有日與公同作老蠶眠

次韻張耕道喜雨見懷兼呈趙賓暘

追和

疲氓多菜色去守乏棠陰屬慮千峰旱俄聞六月霖麩

灘船欲溢茗務井還深香潤迴瓜圃聲酣起蔗林炎官
初恣肆道渴稍侵尋畏日方焦野油雲忽冒岑此涼甦
萬病厥價倍千金解郡雖踰歲留家尚至今田登欣米
賤屋老懼書淋遙念兒衣醜魚虞婦竈沈淒清傳古調
憂悶豁煩襟拭汗紕練悅搔頭斷玉簪却思穿石罅共
坐聽泉音非脆鮮鱗縷梅芳煮醞斟一江同照影兩地

隔論心疑雪佳公子輸君日對吟

睦有近城灘民以船
載磨治麩城中茶場

大井汲者衆故有麩灘船茗務井之句趙賓賜和予雨
夜詩兒童疑有雪頻起穴窓看故有疑雪佳公子之句

桐江續集卷一

欽定四庫全書

桐江續集卷二

元 方回 撰

重陽吟五首 併序

興有不同而皆極天下之感君子以之冥心焉
陶淵明曰閒居愛重九之名此閒寂之極感也
蘇長翁曰菊花開時即重陽此曠達之極感也
潘邠老曰滿城風雨近重陽此哀謝之極感也
呂居仁曰亂山深處過重陽此羈旅之極感也

予不肖何足以跂前人嘗有詩曰干戈叢裏見
重陽此亦亂離之極感也世人徒賞邠老之句
竊意其未必得斯句之意姑隨聲附和耳予癸
未之歲適遇閒居重九私念平生五感俱集遂
吟為五解而弔影以歌之重九前五日方回序
射虵戲馬老劉郎不為乾坤減戰場三徑寒華空悵望
閒居無酒對重陽

心炎何處不南荒瘴海煙深有玉堂隨地着身無得喪

菊花開日即重陽

此身生死國興亡
搖落年年本是常
無奈潘郎解悽怨
滿城風雨近重陽

衣冠南渡紫微郎
流落天涯事可傷
不是詩人終不會
亂山深處過重陽

戰塵漠漠草荒荒
兵過村空菊自黃
死盡親知身偶在
干戈叢裏見重陽

哭肯堂趙公擬老杜八哀體

與積

飛鴻離魚網玉石有俱焚冥冥豈無志鬼物妬璵璠今
代趙廣漢誰歟哀王孫粹然東南稟頑薄推廉敦悠悠
桐江水父老至今言聽訟古楠下審克恭且溫郡將不
解事禍變生軍屯發米給濕腐營壘朝無殮出甲火府
庫僚吏爭潰債黃堂坐者誰微服踰缺垣公急叩府寺
衆溼忽自蹲大呼好知縣肩輿坐和轅卒輩匪恬亂獨
刻專饕恠各欲贍老幼等死有本原公急斥私橐致米
諸鄉村稍撫以金帛汝飽可無喧頃刻事底定闔城免

屠燔聲名由此起褒語來天閣就擢半刺史遄又典大
藩東西湔河節祥刑謹平反芟亂保鄉郡勦馘殲盜根
我時守馬目鄰疆約相援天地既翻覆氣數難預論箕
子歌麥秀邵平灌瓜園展轉落閩嶠勁翮終弗騫燕趙
朔風路飲馬滹沱渾據鞍始識面鷄羣見丹鷓乍聚忽
驟散歲月流云云不謂桑梓地辱公弭朱幡草堂屈大
尹驚農壓籬樊屢接月下塵稍醉花前樽近之若冰雪
三伏無歌祥一朝怪事作傳聞聲為吞奴告主者斬貞

觀法令存况乃肆誣讎姦人執仇冤衆知無是事避嫌
口若韃衢州之駟胥移文恣瀾翻至欲加鉗紲責以徒
步奔意公即自裁足快私排根扁舟載公去戈戟圍其
門面對事即白大明揭覆盆受辱固已甚何待加囚圈
析爵地千里如古諸侯尊飛語一點染視若砧上鈍二
子縻譏禁遠睨驚弟昆竟爾病疽背不得旋車軒彼
兇甚梟獍俗薄徒實繁非人類則已心愧當自捫嗚呼
古明哲豈不憂元元沮溺隱季叔唐虞有由拳與其青

蠅矢狼藉汗瑤琨孰與逃閒寂忍飢擷蘭蓀我賤無力
氣淖曾不能振貧亦靡賻貲奠酌無鷄豚激烈擬八哀
此歌招公魂萬古萬萬古遺恨淒乾坤

癸未九日

芙蓉一雨爛枝繁籬落紛披菊滿園歲月少愆寒事迫
乾坤多難老身存酒逢我輩何拘節山在吾家不出門
高可常登亦常醉獨能此日與銷魂

九日有感再書

荒山過雨薄寒新洗盡西風扇底塵萍梗江湖今故國
干戈天地幾遺民向來佳節都如夢不謂衰年剩此身
草草兒曹一杯酒誰歟可與話酸辛

秋晚雜書三十首

煌煌鷄冠花飛昂麗前軒異物尚貴少焉用此卉繁翰
音賦首飾鳴將雄其羣植物復肖之天巧詎可原細視
足詭怪惡多謂宜艾嗟哉近霜草十九已不蕃獨茲峙
榮豔豈不勝枯槩留以伴嘉菊亦足華我園

屈子悼芙蓉胡於木末采誰歟
變秋樹水花儼高壇本
非蓮藕類稍稍具姿彩厥植亦匪貞
朝澤暮已晦叔世
尚浮卉貌取實故萎吾廬百昌戕
一二此根在無奈兒
女曹愛之若芳芷曾不如蕎稔足用拯疲餒

酒為萬有神菊實百卉仙敢問神謂何
我腸苦愁煎此
味一濡唇倏忽千憂捐仙說又何謂
南陽有其泉昔人
飲芳潤槁項足引年間居愛重九
二物心懷旃秋熱寒
華遲家貧時醪慳毛乖勿深嘆古亦有斯賢

疇昔夏之夜百蟲無不鳴侵尋迫秋杪惟有蟋蟀聲微
物之巨喙寒翅厲酸清露將化為霜欲鳴聲不成瓦石
有深縫緘默逃汝生不然且立死焉問嬾婦驚天地布
肅令詎別物重輕豈惟螻蟻蟄神龍亦潛形

我觀滿困粟一粟之所充海魚千百億孕卵與粟同春
菊寸許芽霜華秋叢叢誤耘或失溉槁死厥壤童萬物
生必成塞天曾不容殀闕盡屯厄宇宙將無空忍哉銳
頭輩不恤地上蟲漢網非少寬六合無人蹤

思詩夜無寐佳句招不來不思忽有得清晨視空階昨
日所未有紅葉初可枚小雨過庭菊一夕粲然開飢雀
噪簷隙紡車響林隈百動各有為此復掛我懷秋意美
初寒經營一銜杯炊僕告薪盡空庖風捲埃

去年歸我廬移菊於鄰家今年灌我畦百本餘秋華閱
時十二朔暄涼更韭瓜逋債之所叢詆詬紛交加燃頭
復割腸笑口仍呀呀低價棄薄產未辦充饒拏憂端如
箭來惟有醉可遮買酒賣書籍匹如死天涯

今年初發春主人飲我酒借問主人誰是邦之太守座
中有上客儼然八十叟優伎何紛喧觀者拄肱肘于時
梅始華菊榮倏秋九此主憤僕誣逮對以疽踣此客抱

老病亦復正丘首人生會皆爾曷不覆大斗

正月初二日府尹趙

肯堂與積會客前知台州胡平心崇年八十居上座八月二十五日趙以公事對衢州卒九月十二日胡亦卒

何以知秋深衾薄無濃夢夢斷復不眠寒氣夜已縱幻
虛成諸有誰實神其用積慘以消之化工似好弄東家
生育喜西舍哭泣痛鴻荒考妣初萬代幾賓送釋氏寂

滅樂此理未必中浩然思無涯雨鳴鼓鐘動

有金當報恩有劔勿報讎忘讎不過辱忘恩禽獸儔
烏哺其母豺獺知獻羞豈伊具人面曾不畜產伴魯叟
造化心筆底天春秋如彼債與黠何足私怨尤千里忽
命駕缺子將焉求為言篤故誼一飯敢不酬

周誥惡沈湎禮設萍氏禁愚夫或敗德賢者故克敬上
有朝廷燕下有鄉黨飲倍食與無筭豈聞起酗競但此
忘憂物過嗜足致病湯劑所不攻朝窓卧若瞑雖然極

困羸亦未害性命百病皆不可病酒差獨勝

世運日已季帝王降而霸人品亦復然窮極事狙詐孟
堅列九等三三以相亞聖有生而知愚至不可化吾謂
上上人老死守田舍遠迹牛豕間胼胝事耕稼彼昏慕
鼎食厥價下之下何待臨伏鎖然後發悲咤

昔聞有烈士哀歌缺唾壺衰暮心不已徇名殆忘軀我
老詎復爾一壑不願餘外物百無嗜惟喜讀我書空樽
已絕漚寒庖僅微蔬兒啼得非餒塵編聊自娛弊廬匪

無山猶茲寄城隅車馬不至處願言遷林居

吾年志學初故已嗜為詩三霜當六十無復二黑髭生

事置墮甌世故愕敗棋獨喜五柳作時時一哦之

原缺二字

其猶龍隱見不可羈道人結淨社刺史遺酒貲親狎

原缺

三字亦不作岸涯永言想遐躡終老茅簷栖

賦詩學淵明詩固未易及飲酒慕淵明酒復罕所得荒
涼數畝園卜築未成宅此或類陶家秋菊亦可摘古稱
士希賢將無肖厥德如我於柴桑往往似其迹儲粟既

以餅子尤不勝責有時醉欲吟全集索逋客

三歲出瘴嶺弱冠歷吳楚晚涉大漠寒遠弔長城古失

缺得謗譏少樂多辛苦侵尋四十年復此守環堵松楸
僅有存骨肉化為土豈不登一名貧甚於父祖行行荒
籬間寒華粲可數惟酒足解愁錢盡不得酌

堂堂陳去非中興以詩鳴呂曾兩從橐殘月配長庚尤
蕭范陸揚復振乾淳聲爾後頓寂寥草蟲何薨薨永
嘉有四靈詞工格乃平上饒有二泉旨淡骨獨清學子

孰取舍吾非私重輕極玄雖有集豈得如淵明

吾家一何竒竒峰照南窓是為紫陽山萬木青縱橫上
有出岫雲下有見底江江清雲無心伴此眉宇庵詩思
忽飛來時有白鳥雙落日澹秋色寒溝度枯杠歸歟書
屋夜昏燈剔幽釭懷人良未遠遜翁生是邦

竊嘗評少陵使生太宗時豈獨魏鄭公論諫垂至茲天
寶得一官主昏事已危脫命走行在窮老拜拾遺卒坐
鯁直去漂落西南陞處處苦戰鬪言言悲亂離其間至

痛者莫若八哀詩我無此筆力懷抱頗似之

人言太白豪其詩麗以富樂府信皆爾一掃梁隋腐餘
編細讀之要自有樸處最於贈荅篇肺腑露情愫何至
昌谷生一一雕麗句亦馬用玉溪纂組失天趣沈宋非
不工子建獨高步畫肉不畫骨乃以帝閑故

六經天日月諸子如四時史自班以上語奇文亦奇踵
武蔚宗輩語有文無之小宋刊新唐不悟宵寐規以藝
傳李杜待之無乃卑他人有遺集一覽不再窺惟此與

韓柳咀嚼無厭期儕彼楓落生吾欲鑄此疵

道自漢魏降裂為文與詩工詩或拙文文高詩或卑香
甌假山序不妨自一竒鮭橘多骨核乃至肆詆訾恭惟
陳無已此事獨兼之五七掩杜集千百臻秦碑四海紫
陽翁歸美豈其私所以此虛叟取為晚節師

天地亘長有山川無盡時人為萬物靈曾靡百年期堯
舜復安在桀紂亦如茲魂消骨已朽是非焉得知阿瞞
營八極羣雄略艾夷分香何戀戀終有西陵悲俗眼乏

遠矚世議多徧私蠅蚊不待霜有酒聊自持

子雲性滑稽寓意頌酒德鳴夷雖勝瓶豈終無腐日子
反以此斃孟公卒自賊萬物有中道盡少循軌則唐用
交州督畏瘴避遠役抵死坐不飲如此固為失北齊有
孫生執筆老敕勒一夕醉不起彼亦豈為得

君子食已德小人食已力萬卷空自讀一錢終不直使
此腹無書詎可登仕籍艱難一飯故展轉百憂集前臚
不復夢歸灌畦數席芋首已足掘豆莢亦可摘所烹無

不美自我鋤上出寄謝朓願人抱飢幸無戚

我不識淵明但以菊觀之白露化為霜百草忽已萎始
見南山松青青虬龍枝睠此粲然英凜有千尺姿擷菊
酌我酒倚松哦我詩二物足相配髣髴齊與夷遥遥襲
世曹豈無王謝兒故是芙蓉花亦得與同時

世稱陶謝詩陶豈謝可比池草固未彫階藥已頗綺如
唐號元白白豈元可擬中有不同處要與分朴詭鄭圃
趙昌父潁川韓仲止二泉豈不高顧必四靈美鹹潮生

薑門蝦蟆以為旨未若玉山雪空錯煮荒齋

獨吟不愧聲獨立不愧影獨行不愧屐獨卧不愧枕昏
昏十日醉炯炯一夕醒古瓶插殘菊老椀貯凍茗三嗅
復三漱浩然萬慮屏節食甘獨飢薄衣耐獨冷狸膏肥
粟粟出穴落七鼎此事世接踵夜坐試獨省

三月三十日唐有窮詩人惜春不肯捨共坐夜達晨此
得守歲意事愚意已神寸陰以分計一分直千困竊慮
假寐頃倏忽失我春今此九月晦虛叟尤酸辛搖落始

云悲迴首忽復陳詎忍棄菊舊遽喜迎梅新

游山不必衆邂逅三五人酌酒不在多淺深十許巡高
可登即登不復拘日辰可飲即與飲無問芻牧民九月
向十月丹楓日以新城東有竒阜霜寒出嶙峋一眺鴻
背上嘯歌岸風巾吾雖愧孟嘉不作桓温賓

艮思臺秋眺

風亭月榭欲為之十許年前已築基秋着碧山環作畫
天將白鳥點成詩撫松已幸追陶徑夢草無煩憶謝池

典午紀中搖落語白頭洄泝不勝悲

甕圃新霽

小園秋霽勝春暉
雨過林端葉未稀
紅錦芙蓉應萬萼
雪衣蝴蝶忽雙飛
刀耕舊業聊從俗
甕汲餘生永息機
天與華腴慰蕭寂
可無佳句答煙霏

用康慶之韻約同陸仁重游問政山

落葉卷秋原
斜日照荒草
我所思兮
山中人餐松辟穀
修仙道將旄相印
本無心一蓑尚喜收身
早袖有長生

度世方玉杵玄霜倩誰搥白雲三耳真人家礪霜不死
菖蒲華笑挹諸公葛陂杖同駕老龍穿碧霞顛歌狂舞
酒酣時一洗萬古興亡悲九萬里風排闥歸茫茫六合
黃塵飛

游問政山次韻郡侯康慶之

住山應是勝游山矧此仙區異俗寰幾度出城行十里
何時築屋就三間化猿君子高難問射虎將軍老合閒
祇慮家人猶粒食水泉深冷石田慳

贈山翁

箒菓崖芝日足餐
賣薪時亦下雲端
鄰家有酒常同醉
晚歲無衣不嘆寒
黑白石充碁子用
青黃樹當厯頭看
鬚眉不愧商山皓
可待為人作羽翰

過汪翔甫宅

南紀干戈後相逢
皓首稀草間翁
仲在華表令威歸
骨壽由心泰身癯
獨道肥公松對吾
菊同閱幾芳菲

過吳式賢宅

君家梅最古舉世少人知
天地無吾黨風霜自北枝
一痕新月外數點小春時
肯為援琴石浮香更有詩

別汪翔甫吳式賢

天寒歲云暮策馬欲何之
叩戶元無事開襟莫更疑
可輕千里別不話一番詩
今代能吟者吾曹外有誰

同曹清父西郊紀事五首

晴耕新種麥破塊滿田間
詰曲隨牛路周遭傍馬山
幾人鍾間氣往歲聳朝班
黃卷今猶在青雲未易攀

歙西
鹿人

物丞相執政侍從御監郎
官麾節省狀元比歲不一

掛粟枯桑杪籬門書掩關晴霜開曠野寒日曬荒山指

點村煙外經行塚樹間羣豪故貪復竊發亦愚姦丙子竊發

山前塘模划塘稠樹豐口豐源
潛口向累而五處殺人為甚

木脫秋聲盡田空野鳥飢時危羣盜慘身老故人稀所

至猶堪醉無求自合歸寥寥天地內古意一何微是日十月

初九
立冬

風俗嗟頽落文章委下陳出郊聊快目謀野豈關身本

為搜詩去徒成泥酒頻胸中知此事眼底似無人
朴略童蒙學堆厖句讀師有能致卿相或不贍妻兒士
故無他業人誰此味知公庭彼為吏日日醉歌姬

題沈克已無名庵

姓字人能說無名意謂何厭稱窮學究佯作老頭陀宗
炳疑相似韓康定見訶有來問誰某祇是笑呵呵

霜晴

霜晴暖意融閒步日陰中摘菊驚黃蝶移葵墮碧蟲不

因機偶動但見色俱同天地詩人少誰憐有此翁

每旦聞鐘鼓諸聲

烏雀次第起鼓鐘更迭鳴祇應迫人老豈是報天明隘巷喧喪事遙風過市聲有為無不盡何苦更刀兵

小雪日觀殘菊有感

十月二十四日

欲雪尋梅樹餘霜殢菊枝每嫌開較晚不道謝還遲早
慣飢寒困頻禁盜賊危少陵情味在時諷浣花詩

聞軍過

老膽堪多恐焦脾更積憂軍聲時洶洶債事日悠悠西
路危單騎東灘乏便舟情懷無一可風雨五更頭將西如武

昌而缺一馬欲寄長兒
書物軍過拘舟未可行

久晴十月二十四日五日連雨程以忠來同飲

侵尋小雪初不雨五旬餘深井腥泥水荒畦槁蛙蔬牛
灾傳聚落蛇出駭階除巫詫瘟神王官虞火政疎淺流
停碓磴磔隴抗犁鋤閩粵挺兵侵江淮斷漕渠訛言興
委巷穢氣集窮閭市藥邀珍價僮衣類臭絮衰年今爾

許惡况又何歟脚汗眠慵洗頭風坐畏梳捫多王猛蟲
食謝孟嘗魚半世空為吏平生誤信書得閒真已幸多
懼復馬如田不能倉廩家纔有室廬稍令逢小稔亦足
慰貧居驟濕生朝礎斜飄過晚墟簷茅聲乍滴檻藥色
微舒年麥還堪望蝗蝻想漸祛良朋胥此會憂抱與俱
紆斗酒適酤至烹鷄漉韭菹

喜劉元輝至二首

光

荒園槁葉飄薺菜已堪挑頗訝煎茶緩元知汲水遙日

暄花迸蕾霜過土生硝小待謀新醞詩朋一一招

詩翁今雨來同步上荒臺草死元藏藥花窮始到梅南

方酣戰急北陸苦寒催窮老情懷惡因君得暫開

是日劉君

折一草曰此治腫毒藥也又問梅今開未

聞南盜

試與呼蒼昊云何闕綠林誰歟能受諫吾欲告司箴稍
有偷生路應無守死心古書今不信衰腐獨沈吟

艮思臺冬日

晚臺閒一望城盡古溪頭冬暖人多病山深市早收打
門驚客至之酒遣兒謀數蟹才堪擘酣眠失百憂

喜劉元輝再至用前韻二首

吟袖與風飄囊無錦可挑頻來閒話好勿惜步行遙煮
淡蔬勝肉燃枯草帶硝我心知此客未易以旌招

詩忙去復來側睨笑輿臺未厭庖三韭終難和八梅親
朋驚逝謝租債迫徵催不酌開懷酒愁眉詎許開

再用前韻呈元輝二首

談拂風前豎吟藤月下挑是非姑且置來往不為遙蟻
甕營新漉貂裘補舊硝聊同小隱隱未用大招招

天寒鸚鵡來望雪上山臺髮少不重漆眼昏猶識梅醉
槽呼旋製空罍盜買連催新許民間釀樽應日日開

聞汪昌宗計

為人司邸報公
謹而是非了了

四海舊知識亂來俱白頭時聞一人死身復幾年留相
遇長安市頻驚缺尉侯胸中皂白事夢逐杞天休

十一月初八日觀雨

久欲西游為
警報所阻

重陽晴過小春天忽復蕭騷雨可憐響入竹林全似雪
濕蒸茅舍最宜煙戰塵洗淨無傳箭客路泥深亦着鞭
三月聚糧豈容易臨風殊覺意茫然

用前韻改一二語自釋

南寒稍近拆綿天葵薺爭承小雨憐凍合遠峰應有雪
炊殘荒市更無煙未妨夜畫爐中筋何苦晨呵袖裏鞭
人事好乖行路惡政應委順付怡然

雨不成雪

一雨疑當冷旋為暖所勝南方難得雪冬半尚無冰餘
菊香采釀羣蔬意似矜林疎石路細遙見隔溪僧

贈送鶴田李元暉

五

鶴田一別九載自青原如淞右過我紫陽山之
下不勝感慨賦詩為別

一別九寒暑乾坤事事新老身餘長物故友盡窮人泪
汨猶羣盜時時有戰塵少陵詩眼在試覓曲江春

別後讀鶴田李元暉新詩用其體

金上巳月八日
卷二
一
菊悴蘭摧憶別離
雪邊重映十年詩
淚凝紫篠相靈怨
血迸紅英蜀魄悲
曠野虎狼喧寇暴
長途魚鴈隔親知
莊生浪說能齊物
堯桀彭殤詎可欺

異僧

荒崖傳有虎飛錫
徑登危衣榭
紉枯葉餐松嚼嫩枝
病人求咒水野老施
庵基一夕緣何事
飄然失所之

次韻劉元輝初寒夜坐

併序

元輝示新詩其初寒夜坐有云四壁兒糊如暖

障一燈妻占補寒衣清灑有味因獨和此一篇
為謝

山肩寒聳月隨歸櫂拙爐紅閉板扉跨竈郎來溫課冊
齊眉人為捐深夜花傳喜信燈如語草就佳篇字欲飛
舊日聲名劉夜坐能傳家鉢似君稀

偶亦夜坐用前韻

林禽畏冷暮爭歸水上荒城早闔扉敲月會棋迎皂衲
斧冰供茗喚青衣斲其老馬廄中響燉燭癡蛾窗外飛

忽報樓頭禁鐘動平生樂事歎今稀

又用前韻賦夜坐

酒醒招得醉魂歸深護爐熏鍵夕扉渴舌惡甜勤漱茗
癯肩耐凍嬾添衣頗聞空暗無星出小待更深定雪飛
一字不圓終不寐癖詩如我自應稀

次韻劉元暉飛雪數片之作

六幕垂同凍不埃舞雩呼我燕窓開已從衣上霏微見
未肯簷前汗漫來就砌拾看呵指筓隔簾迎數鬪妝梅

衰髯却怪全相似且置閒愁撥蟻醅

再次韻賦飛雪數片

雨收霰止絕纖埃壓瘴迎豐兆已開欲積忍將靴踏去
初飄喜着袖盛來微微糝體尋生粟稍稍粘枝輒亂梅
不解高樓辨歌舞曲衣亦合買新醅

至前寫懷

送分迎至苦匆匆壁立蕭騷肯嘆窮四海交游存想外
十年奔走亂離中生平不作今人調爾輩焉知國士風

自覺近詩如死樹傍無枝葉更心空

小至日書

誰知緹室動葭灰總道陽從九地迴年近六旬愁裏過
身行萬里死邊來詩存瘦骨全如我花倚春風不是梅
偶有友朋仍有酒看雲聊與酌深杯

所感

生涯今爾許心悔舊為邦老合營埋穴貧猶買釀缸山
行憐瘦馬晝誦喜晴窓忽欲翩然去風帆泝九江

此詩有為

而作某人營壽官長子二歲酒司售器
子獨弗諧魚欲西游阻寇未果故云

癸未至節以病晚起走筆戲書紀事排悶十首

遇節何其窘治家乃爾難穀生春苦碎新貴竈嫌寬病

體危狼狽時情畏觸蠻擁衾聞客至強整舊衣冠

內借一韻

屋少未成宅地寬聊作園吾能甘菜食或頗送花根蒔

喜陽坡暖澆憐凍井溫丁寧三徑客緩步惜苔痕

忍事寧生瘵今誰似我能缺錢分竈婢賒米乞庵僧惡

語聞皆恕凡詩見亦稱平生樓百尺非復舊陳登

此老誰能畫家頭一破巾有杯常設客無局不饒人僕
醉鄰翁怒兒啼乳媪嗔佯聾付一笑莫漫耗精神

老子家風舊從來節是常糟薑三盞酒柏燭一爐香今
歲適多病吾兒猶異鄉十分無意緒簷雨曉淋浪

貧家無節物何況此荒城村妓聞來賀山翁嬾出迎頭
瘍連耳腫夜雨雜風鳴政爾堪高卧牀香菊枕成

重報鶯花信誰司鐵炭權更經三度節即滿六旬年豪
動書千紙窮難致一錢不憂無穴葬惟喜有詩傳

家人簪珥舊草草亦梳粧雪几茶花雅風爐柿葉香乃
翁時自笑此輩詎吾量免賀俱休拜新正一併償

古道古君子今於何處求每聞柅馬箠不慮檠驢鞦賈
藥金多偽醫錢卒易酬頭岑姑止酒或恐自然瘳

雲無可書者泥屨隔牆聲小市局虛肆荒庖絕美烹流
涎淮蟹紫入夢海柑楨莫殫閉關卦兵戈商不行

至後承元輝見和復次韻書病中近況十首

千金營可致一句得應難積債真無奈成詩且自寬冰

戰窮朔漠火瘴度甌蠻不似山中好歸歟遂掛冠

曾被卑辭誤吾嘗笑綺園共欺蛇帝醉不保橘奴根病
起晴冰破禪悠凍石温向來腐餘夢拂拭了無痕

昔可今惡可人能我不能已無換馬妾惟有打門僧幼
婦慚前作愚公定別稱少狂老方悔焉用一科登

往事付杯酒殘生餘幅巾更須占大行久已玩同人犒
少傭奴嬾迎遲過客嗔悔曾迷宦海素不媚錢神

病無醫自愈餐飯漸如常嬾別書燈暗間按藥紙香就

令窮有鬼終愛醉為鄉輸與諸年少從軍過樂浪

閒居已三載不憶舊專城未暇憂飢凍唯便免送迎飛
花棋上落幽鳥枕前鳴寒極如春月新筍綠酒成

騷壇君肯將吾敢與爭權風月三千首江湖四十年老

思騎竹馬窮笑惜苔錢此味諸人會遺燈或許傳


白樂天詩

大歷年中騎竹馬何人得見會昌春陳司封
亞詩排聯花品曾非僭愛惜苔錢不是慳

鄰人窺小圃籬落倚村莊雪屋晴窓淨山爐燄火香異
花香又數隙土步頻量擬築新亭小如山債未償

病來諸事嬾於世百無求古帙蟬吞字閒鞍鼠斷鞦佳
招差可謝新詠決須酬耳曠頭昏極君詩到即瘳

荆欲延諸彦嚶嚶聚友聲尚堪紬古翫祗愧乏珍烹君
健松髯碧吾衰瓠頂賴何當即勿藥環席百杯行



桐江續集卷二

欽定四庫全書

集部

桐江續集卷三
四

詳校官中書臣孫溶

主事臣呂雲棟覆勘

總校官庶吉士臣倉聖脉

校對官典簿臣劉景岳

謄錄監生臣龔輝遠

欽定四庫全書

桐江續集卷三

元方回撰

行圃

小圃無亭榭心閑地自寬
好花書壁記怪樹畫圖看
雪少先誇瑞霜嚴諱說寒
貧嗅除已盡唯要不癡難

細省

細省浮生理宜令寸地寬
老兼無病少閒欲不貧難
遠極山逾好晴初雪更寒
聚奎幾卿相誰解勝陳搏

晚望

萬事何堪挽江流
日夜東年華三戒後
心緒四愁中待
雪登危阜觀星仰
暗空夜寒天地黑
幾室有爐紅

贈滕君必紹

併序

滕君之先公武子嘉熙戊戌入太學寶祐癸丑
對集英不及於祿嘗相遇餘杭之旅舍見予所
為新筍小松詩句擊節賞之今三十餘年有子
來訪感歎往事寄情于言

之子有名父何蕃
合比肩虞庠驚脫穎
孔壁妙忘筌
高第放楓屨
長身掩薤阡
師亡鄉黨惜
人往歲時遷
達宦誰無死
遺文爾獨傳
客郵曾旅進
邑子例垂憐
袞語推真幅
締詞激懦篇
善人宜有後
一見欲潜然

夏商

牛下悲哀甯戚謳
捐湯置禹此何由
父初傳子風差薄
臣至于君德轉輜
歸啟舊家猶幾在
升陟衆旅已相讐
何人得似彭鏗壽
見夏為殷復見周

周

七月陳王致太平轉頭已聽黍離聲陪臣僭上三歸備
霸國邀君九鼎輕釋氏談空端有理詞人賦恨豈無情
燠年寒歲頻更換未抵黃河一度清

太公孔子

從身涉世謾多憂運去時來不自由孔子三千難變魯
太公八十尚興周星辰歲久常差度江海潮生會倒流
萬有盈虧理如是可須慳作醉鄉遊

漢

燈前聞覆盂堅書瞬息炎劉四百餘五聚井星才屬爾
一抔陵土竟何如早誇發縱輕烹狗終藉吞舟失漏魚
若使高皇為晉獻可須莽卓始坵墟

東晉

魏收撰元魏書目東晉為僭晉宋以下
為烏夷世稱穢史故不得不與之辨

劉琨勸進豈無聞王猛臨終亦有云穢史汝能誣正統
老僮誰實蒞餘分山陰禊事流觴帖彭澤歸來植杖文
二物萬年終不泯可能草木張吾軍

陳

倏忽還如晉滅吳六朝宮殿永榛蕪
千嬌玉座酣醺醪一命青絲繫轆轤
早使閣中無貴嬪未應闕下有蠻奴
他時月夜逢楊廣衣鉢相傳不早無

唐明皇

突虎衝蛇獻荔枝冰皴霧瘴覆全師
豔妃有弟堪為相叛將無君憎不知
嗣后已成靈武篡舊臣空復曲江思
太平可似花開易羯鼓三聲喚得來

南唐

中原赤氣已龍興
豈必橋江罪若冰
花不忍看春哭后
金何曾惜歲齋僧
失身亡國非無痛
保士全民尚可矜
復遇大梁愛文藝
餘臣往往與瀛登

長安

客從函谷過南州
畧說長安舊日愁
仙隱有峰存紫閣
僧居無寺問紅樓
蘭亭古瘞藏狐貉
椒壁遺基牧馬牛
萬古不隨人事改
獨餘清渭向東流

半山

力引豺狼噬九州
糴郎於世果何讐
青苗法令初為祟
玉斧封疆半已休
紹聖南行多不返
靖康北狩欲誰尤
兒時曾讀前朝史
幾夜寒燈見淚流

老悔

前世何知後世長
老年合悔少年狂
即今安在凌煙閣
畢竟無非審雨堂
脚底東西南北路
樽前三萬六千場
謫仙落魄人誰識
終許詩名死後香

傍觀

老檜長松玉立身雪摧霜挫不爭春但須處士杯中物
可用明公壁後人自審詩肩無骨相或稱書眼尚精神
南山射虎非吾事亦復傍觀野水濱

烏聊山廟登覽

寒齋兀兀味殘書一上崔嵬計未疎下界喧卑離市井
平臯灑落見樵漁斷鴻淮漢三江外古樹隋唐五代餘
忽憶浮溪偃王句顧瞻遺廟意躊躇

大雪約程以忠不至次日以詩問之

禦寒時著火文武等醉豈拘杯聖賢土潤春應萌有日
塵清野更潔於天誰呵凍筆詩能畫獨上高崗意欲仙
剩有籬根未消處試裒枯篠取茶煎

雪霽次韻以忠見和

霽色寒光滉詩眼謝家舊賦果誰賢無聲忽訝潮包地
不夜常疑月在天溪上過橋僧似畫樓頭把酒妓如仙
老夫幸有瓶筇在更掃空堦落葉煎

雪後小園

紙色光新聳壞樞履聲鬆脆兀間庭飢禽啐砌留竒迹
枯樹擎空失醜形早與花根添麴蘖可容畫手著丹青
溪西凍瀑融晴滴欲問巖僧借淨瓶

次韻雪後

簷澌餘滴濺風櫺三日晴猶剩半庭足使蝗蝻俱屏迹
未妨鶯燕尚潛形調鹽凍字難為墨透瓦炊煙漸放青
共笑愛梅癡老子夜深溫水換銅瓶

甲申元日

春光幾度九十日人壽都盧一百年老圃地寬花富貴
醉鄉天闊酒神仙誰能晚節消閒福時喜新詩得警聯
曉色欲紅拜元造爐熏一炷鵲聲前

正月初七日如江西以畏飲辭吳式賢宅宿向果
市店

殘雪西郊路依稀已似春初程何必遠相識况如親久
遠交宜淡沉綿飲戒醇故辭情話友擬便穩眠身販旅

駢荒店蠻音酌近鄰霰穿疎瓦亂風掠破巾頻倦馬噴
醒噫頑雞絕凍呻謾誇為客慣却憶在家貧老嫗言堪
取諸奴意勿嗔近來軍過後少有早行人

雨過巖寺鎮

凍凜滑如油前驅雨未休轉添行路惡始覺別家愁早
市漁翁聚靈祠嶽鬼幽憇鞍寓吾目有句亦堪搜

茅田汪王廟

茅田亦
曰臨河

殿閣猶如許兵戈豈不無終然香火在直與子孫俱緒

德垂千古全功保一隅唐陵已煙草誰作降神巫

宿曹西疇宅大雨

祐舊名希聖

竹樹環齋館真宜聽雨聲不堪終夜急似欲阻人行薄
醉眠難熟多思夢輒驚漏牀正當面移枕屢縱橫

白茅道中

世故時時異年華物物新溪聲添夜雨麥事待晴春草
棘扃空戶巖崖伏凍人問言何至此征騎往來頻

溪漲

立春猶二日漲雨一何深秀足明吟眼危如撼旅心僕
愁前店閉馬怯小橋臨不見兵氛起溪西好竹林

旅次感事

溪港周遭曲田原迤邐賒猿孫崖刻削烏鳥樹槎牙近
水皆宜竹先春已報茶千村經劫火萬境嘆虛花破落
餘神廟荒殘少富家見人唯欲避問事只成嗟俗異言
難曉程脩路恐差前朝題壁士往往字如鴉

問雨

煙為火之氣欲雨煙不散陽為陰所遏炎焰變舒緩雲
乃水之氣欲雨雲乃浮陰為陽所曩饋餽成波流殘秋
窮臘百餘日小園不曾鞋底濕東風欲動問行程山中
比夜雨連明吾聞陰陽交媾始生萬物不蒸不發不漬
不茁往者久晴欲駕遄輟今行而雨咎天何說然則紫
陽山人老如此夫豈得已有行役皇天肯念行路難豈
不能頃刻之間一掃雲煙紅日出

春磴吟

槁木豈有情頑石且無知何術使之動不假人力施緯
竹以為車堰水江之湄湍流既迅急樞軸為幹移朽杵
輒雀躍死磨猶驥馳一日殆百斛成功歸簸篩吾聞往
古初冥冥若愚癡火食尚未悟人與禽獸嬉聖智既有
作便利無不為機事至此極機心開自誰所以桔槔人
旁貽甕汲唾馬本斲草物教之諳戰輦鐵若不入冶焉
有劔與錐工械日以廣生靈日以糜平生子方子拙直
為人欺見巧終不喜諷此春磴詩

喜雨晴

驟雨送殘雪山澗沒半膝悠悠入深溪想復高數尺赤
土流水紅青土流水碧寸步阻爛泥詩眼返自德維茲
九江路巴蜀通大驛今事既不然取道浮梁側西偏數
巨港春漲輒泛溢無橋復無船僕曹為予戚老夫負膽
氣動為萬里役江河淮湖間徑度無怖色恭惟天所棐
豈不在正直但行無所苦前路皆晴日

馬惜蹄

家居豈不好事此鞍與羈春前三日雨僕夫畏深泥江
南萬山中岡嶺互高低踏土不踏石馬亦惜其蹄野迥
暮有虎村荒晨無雞升斗安所糴囊粟千里齋身汝不
自愛茹荼甘旅栖曰予匪得已伐木詩有稽交誼重金
石星霜悵分攜一覲庚夙願投老歌歸兮

路傍草

野火燎荒原霜雪日皜皜牛羊無可噉衆綠就枯槁天
地心不泯根芽蟄深杳春風一披拂顏色還媚好如何

被兵地黎庶不自保高門先破碎大屋例傾倒間或遇
茅舍呻吟遺稚老常恐馬蹄響無罪被擒討逃奔深谷
中又懼虎狼咬一朝稍甦息追胥復紛擾微言告者誰
勸我宿須早人生值艱難不如路傍草

古店

古店看題壁儒風豈易還匪因登貢籍即為叩賢關騰
踏雲霄上沉埋草莽間其人俱已矣遺跡尚斑斑

魚亭驛

黥縣魚亭驛東萊閣老詩雨晴雲氣斂峰古石形竒老

眼經題獎高風費詠思祇慙無密竹不似紹興時

黥於紹興

經張琪之掠然猶有密竹如雲不見天得呂居仁詩之也祇應黥縣溪山好盡在魚亭驛舍前的然如此

懷秋崖

併序

回寶祐乙卯至祁門上謁宗伯秋崖先生一見

客之門下夜置酒誦詩徹曉今再至已三十年

懷感成詩

崖僂憶昔手予攜音響如鐘氣吐蛻槐國諸公千夢蟻

甕天餘子一醯雞滿浮芳酒春梅動朗誦新詩夜月低
倏三十年如一瞬東坡門下愧雙溪

東坡先生族姪蘇
元老號雙溪有集

世傳

廢宅嘆

茲為何人宅桂栢猶蒼蒼樓閣已傾卸下有室與堂牕
戶半拆卸髹漆留餘光釜去存破竈畫剝歌頽牆想見
全盛時日夜崇豆觴書塾在其左子弟聲琅琅問今安
所往豈不有死喪死喪則不然避兵移他鄉他鄉亦不

遠深阻踰澗岡自古有避地兵來尚可避惟有避役難
追逮窮所至昔住大宅人今為忍凍民

早見桃花

離家四五程所至盡堪驚未許盜皆息馬能軍不行人
移山裏住春廢道傍耕破屋知誰主桃花照眼明

立春日馬上遇黃國寶應屏

併序

正月十一日立春喜晴宗年兄長去言府判同
令子中和君躍馬送予於祁山西門之外五里

且俾中和攜酒殺送予一程行又可二里有騎
西來鞞鞭稍近相視而笑乃吾故人邑廣文黃
君國寶也立語良久不能捨迴馬同中和送予
盡三十五里至于東松寺宿焉僧樓深閱猿嘯
牕外秋崖老先生淳祐己酉赴郡南康題墨如
新因竊感嘆賦五言二首國寶中和明發言還
併呈去言

連宵好夢頻二喜集佳辰曉霽逢春日山深遇故人立

談詢近事小酌叩荒鄰暮宿東松寺吟眸處處新

十載亂離頻何知有此辰
翩翻果下馬突兀眼中人
野店春盤共僧房夜榻鄰
吾宗老僊伯題墨尚如新

宿東松寺

祁門西三十五里岳武穆舊有紹興留題衆因祠之今壁壞矣予三十年前猶

見之也

一僧垂亂髮杉閣夜寒饒
開鎖容鋪榻求錢為造橋
獼猴牕外嘯鼯鼠燭前跳
岳筆親題壞前朝恨未銷

牛頭嶺下老人

姓項獨此人開店其家充軍

九十前朝老髯踈骨亦清相形宜老壽說夢憶昇平田
屋臨官道孫男給遞兵興州馘狂賊曾見捷旗行

題苦竹港寓壁

三十年前此路行來車去馬唱歌聲旗亭沽酒家家好
驛舍開花處處明白羽宵馳四川道青樓春接九江城
如今何事無人住移向深山說避兵

三十年吟

三十年為世吾今迫六旬兒時前輩盡亂後善人貧未

測前途闔空追往迹陳所親化埃土猶入夢魂頻

山鷺鷥

行行萬山頂無復大陂池小澗清且駛時見白鷺鷥有
魚必不大何況亦無之聯拳一孤影盡日沙邊窺七澤
足鮮食曷不徃彼為公子以臆對羽族幸產茲腹腸能
幾何少許可無饑井鮒尚不顧王鮪安所思鷓鴣善攫
捕扼吭富漁師雖貪亦不飽孰若廉自持

來去路

後山路安來前山路安去高中不無低自有可通處譬
如澗谷水日夜泉源注但聞水流聲不見來去路避礙
適其順智本何所惡後世窮梯航乃以嗜欲故漢武天
馬歌文采誠獨步焉知十萬師暴骨委秋露我願四達
衢但行商與賈一遇荷戈人寸跬不可度

雖然吟五首

併序

機織聲舂碓聲雞鳴聲犬吠聲非異聲也予行
四百里無所聞吟其一沽酒店牧牛兒何所不

有畫家之常筆也亦無所見吟其二向來店家
遊客一弛擔即湯茶瓶盞捷出今則無之吟其
三婦人淘洗採掇田里之常而聞不一遇吟其
四晝則屋屋有煙夜則家家有燈井之所在具
汲器聽人自飲亦常理也而又不然至於煙燈
皆無吟其五

林下機聲復碓聲時時犬吠又雞鳴雖然此是尋常物
村落聞之即太平

沽酒人家短竹籬門前三兩牧牛兒雖然此是尋常物
軍馬才過不見之

桑柘陰陰間苧麻店前下馬便斟茶雖然此是尋常物
亂後空村沒一家

大婦銀釵小綠裙採茶洗菜踏溪雲雖然此是尋常物
一旦無蹤為過軍

屋上炊煙屋下燈客來汲井具瓶繩雖然此是尋常物
不是承平見不能

客中近元夕

新晴春早暖客裏上元天輦路燈如夢璇霄月欲圓豈
惟無酒酤不復有床眠歌舞愚兒輩淒涼已十年

見梅

翠竹陰森護槿籬玉梅庭院粉牆歌幾年避地無人住
猶有花開一兩枝

野廟

金甲朱衣畫昏軍聲不到暫開門數家祈福來澆奠

全宋文卷之三
卷三
剪紙糊燈作上元

鄱陽分水嶺

轉山五七里涉澗十百所碎石鐵蒺藜銳石木齟齬豈
但行人難亦復念我馬水涸尚自可况乃值過雨正月
春氣動江南異北土崖溜一已滴奔湍怒如鼓緬懷十
載前荆蜀及湓渚大閩走鈴檄雜還混民旅此驛既已
廢十步九榛莽軍行不齋糧所至賴鈔擄中產得幾家
遷避入深塢窮戶無一物草棘障環堵前岡二客來望

我百步許意其為武夫疾走蔽險阻人情既可見避兵
如避虎矧肯治私道築削費杵斧叢篁鳴野鳥黯黯天
欲雨老矣為此遊作詩記良苦

石頭田

晝欲求一淘有竈無竈煙夜欲求一榻有屋無屋椽歷
歷數百里無人居道邊問言何至此我亦為恍然江西
走荆蜀行行三十年鈴卒遞羽檄販夫駢擔肩觀國上
秀士奉使驟達官車馬或相遇往往皆衣冠後隴竹未

斷前坡花已妍入肆欲美酒既醉不問錢是時鬢如漆
浩歌無憂端豈謂再至此滿頤霜雪攢尋覓舊題壁脫
落迷榛管乾淳老前輩間有數字完昔時所見人往往
沉重泉翁張孰移幹隆替更變遷雲曖淡竹嶺雨昏石
頭田我僕既已惰我馬復不前慷慨一以思古有行路
難難更莫如今懷古空永嘆

甲子雨

紫陽元日得晴日曉鵲聲邊駢賀客玉梅爛漫照椒觴

盡我真珠紅一石祁山山下初立春馬上送迎逢故人
故人挈榼藉芳草啼鳥遊絲天氣新吟鞭轉入西江路
寶月欲圓碧霄暮南方戰罷聞者喜盡道上元仍甲子
卒然軍興由盜興千里無煙况有燈雞犬逃生且未暇
上元之雨吾何憎萬馬還營速須早放與田家蠶麥好
甲子之雨恐不可聽彼謠言愁殺我

雨曉

春空蒸小雨漠漠復紛紛枯石皆生水平田亦出雲氣

溫衾暗覺聲細枕微聞今日迎人馬西郊草欲薰

細雨

云無又有之細亦不毫絲未許迎眸數才容灑面知積
能成樹滴散忽被風吹野燒痕初動春鞭政要詩

石門市

村村籬落似慈竹密如雲闕市千家聚康莊五郡分連
門香白酒倚戶粲紅裙今日尋荒店無薪給午饋

上元晚晴

所謂上元者俗以侈昇平漢用方士說祠祭夜達明爇
炬或始此游觀實何名年登庶事遂春早芳意萌冶粧
飾粉黛豪奏喧絲笙愚翫奪稚魄淫窺蕩狂情天寶覆
唐都宣和傾汴京詞人麗唱在物極良足驚一隅頗完
盛四運遄代更戍守列萬里鎮防連百城崛起間竊發
交馳事遐征昏黑煙火滅哭聲無歌聲曉雨花信過夜
蟾桂輪清時節既如此焉問陰與晴

彭澤道中懷嚴陵

人生千萬事都不似歸來是澤魚堪釣何田稻不栽客
行元亮邑家寄子陵臺緬想二賢迹吾顏亦醜哉

梧桐嶺

飛石危如墜枯桐死不春霧深云有虎茅動故愁人破
屋潛飢嫗荒祠畫怪神步行牽瘦馬背汗浹寒身

梧桐嶺感舊

憶上梧桐嶺江淮萬里開匡廬天外畫彭蠡地中杯暖
欲還燕鴈香應落庾梅重來感時序更覺子山哀

是日
雲霧

晦冥故起句下憶
字謂舊所見也

望廬山懷舊

夜入廬山路開元萬柱宮穿廊石渠水涼座竹林風羽

客談霏雪星郎氣吐虹劫灰如可問無復昔人同

戊午歲從

魏靜齋湖北倉使六月夜宿開元今二十七年矣

湖口寄方去言

不見秋崖老吾宗尚有人十年疲遠夢七尺記長身醉
月金陵曉遨花輦路春鴈題盟未爽鶴化事遄新稍覺

高閣改徐行曲巷詢應門才入謁下榻愧為賓小閣書
牕淨芳筵飲葷醇盡令諸子拜更許大難親積廡芻糧
溢堆盤菜餌珍和篇勤唾玉枉教妙鈎銀霖雨微膏野
和風早應辰挈壺煩僕御並轡出城圍繾綣情何厚慙
懃意甚真道傍分手暫隴上轉頭頻無復離懷惡誰云
古誼陳長郎仍遠餞羈客倍驚神跋涉將千里漂搖近
一旬二孤彭蠡外五老大江濱倦憇停征馭遐思值便
鱗寄詩寓予感哀老易譖諄

旅況戲題

行役亦何聊聽予旅況謠
水須分嶺頂路必過山腰
早問人求店無輕馬度橋
衣袍不解帶側卧幾寒宵

宿湖口縣

江湖分合處風水互東西
官禁收燈早民居結葦低
二孤流俗誤九派舊蹤迷
剩有登臨興春霖滿路泥

過湖口渡

峩峩臨峭壁渺渺指寒洲
船壓萬鈞重帆開一葉浮
雲

沙連幾郡雪浪舞中流目快心還恐吾行曷少休

次韻謝喻巖叟

汝霖湖口人

妙年璧水播英辭半世聞聲鬢未絲賜姓遠從梁武日
家風復見喻鳧詩九霄空闊飛騰勢萬卷縱橫講授師
重到廬山亦何喜喜君知我我君知

次韻袁提學

堯龍

題皇甫真人清虛庵二首

清地虛天渺何許芒鞋未往意先飛山中叱石初平隱
月下吹笙子晉歸不死真人千劫在無垠濁世一塵微

何當日嚙丹池水長共寒猿嘯月霏

猶憶清虛下雲漢轉頭劫塹已灰飛三山恍惚驚鼇動
千歲淒涼望鶴歸風度羨君仙骨瑩年華迫我世緣微
豈無道侶歌招隱許脫紅塵卧碧霏

寄呈呂道山于八桂

竭從歙浦來湓浦聞自全州入桂州倚俟先生還北棹
定容小子到南樓甘留旅瑣緣何事積受恩私愧未酬
但願歲時一相見萍蹤從昔慣漂浮

寄彬州孫通守振武聞汧湘將至八桂

南斗之南八桂林
攜琴欲覓舊知音
想君湘水花邊路
識我衡陽雁外心
偏側甲兵詢動靜
艱難書問畏浮沉
相煩為報真消息
莫待春江柳色深

寄劉伯宣南昌

西浙東江昔袂分
洪都湓浦忽相聞
才看陶令門前柳
却憶滕王閣上雲
何處魚蠻能避役
無邊鯨海尚行軍
詩書胸次堪籌國
定不專憑柱後文

望大江

春草茫茫闊
春江渺渺流
斷魂欲誰訴
極目使人愁
更過天垂處
應無地盡頭
豪商似差樂
槌鼓發鹽舟

琵琶亭感舊

桑落洲前路
江流自北南
美人何處在
劫火殆難堪
津吏苛魚稅
沙民賣席帆
情知白司馬
到此濕青衫

飲袁提學林亭

古淡林縈沼
清輝日漏雲
百梅先世植
一鶴舊侯分
天

引吟懷遠春供飲意醺徐卿二雛者已解聽論文

前使君楊

文卿送一鶴園中古梅皆其先大夫所植

次前韻謝表提學及其弟府判

弟名舜龍

二首

公家賢伯仲似是晉機雲黃卷丁年共青燈午夜分望風初魄動飲德更心醺自合登臺省官猶類廣文

春亭前日聚一徑入深雲水綠痕初漲花紅蕾欲分頻敲無好句屢醺有餘醺不減山陰勝公宜作叙文

次韻謝王君

申祿

妙年富才藻，疊疊迫淵雲。逸勢波瀾闊，神功混沌分。百
為爭細故，一笑付微醺。天地江河在，終垂萬古文。

梅堯次周斐然韻

搜香索影夜凝神，楚些招還萼綠真。月底似逢和靖老，
風前恍見壽陽人。清寒不類巫山夢，素艷全非洛浦塵。
尤物有靈生幻相，憑誰貌取補之春。

次韻李太白

併序

潯陽紫極宮，即今天慶觀。太白賦感秋詩，東坡

和之山谷又和之後人不容措手矣近數有和者予亦用韻寓感

太白配蘇黃如松栢與竹不受春風恩勁氣尚可掬詩名乃其餘受命天地獨間生五百年相望若信宿予老棲聖門措辭愧言卜一覽紫極題三作白圭復羣仙憫世頑死生反乎覆曷日從之游神交道心熟

復次前韻四首呈二袁君併王君申祿

良辰古難得歌吹遏行雲豪意牛心割清言獺膽分子

慙四皓老公勝七賢醺苦雨忽三日垢衣生蘚文

此記初八

之會

卧雪名家彦諸孫耳又雲永懷玉筍立肯放紫荊分墳

奏仍箎奏賢醺復聖醺高才能下問所謂孔文文

此美袁丈

昆仲

今代王摩詰詩機織錦雲高碁饒算數善射較毫分泥

屨難相過殘樽愧獨醺何時重握手星聚應天文

此美王文

府教

老子尚行役，棹汎江雲足。迹更南北時，光幾至分百。
年丁字誤萬事，邪杯醺先漢功臣輩。惟宜戇少文。

此自謂

袁興國

坊

挽詞二首

憶昔予初筮南樓，丈席陪觀星。憂世事，玩日嘆時才。稍
訝無周夢，懸知有郢哀。魂今招不得，天尚鑒靈臺。

氣化神如在，名高志未伸。文章坡老筆，丰度華陽巾。愷
悌州符屢，旬宣閫畫頻。鼎台袖吾手，覆餗彼何人。

識山堂會飲

醉筇斜倚杏花風，邂逅高堂六客同。
寓世常如超世外，識山何待到山中。
去鴻新燕催春色，殘雪晴霞媚晚空。
一筆寫成真面目，試憑華表問仙翁。

夢東坡先生

併序

坡公和太白感秋詩山谷繼和非後人所當續
也有索子和者勉強成章因至江州天慶觀訪
紫極宮舊迹徘徊秋聲堂求觀碑刻又借眉山
大全集於李君

應孫

讀味再四二月十二夜艾

夢坡公手龍腦香一掬分其半寘予所佩革囊
中予思之此何祥耶非精神所注作是幻想則
坡公在天之靈真於遺馥沾丐有所不靳也乃
賦詩以紀之

夜夢東坡公分我龍腦香玉指撮冰雪佩之鞶帶囊江
湖衰老蹤十度遊潯陽始入紫極宮勉和瓊田章太白
實首唱繼以雙井黃此詩豈容續束縕儕朝陽孺子可
教歟馭風來帝傍跛鼈傅羽翼恍惚追龍驤文通五色

筆尚為文字祥公名蔽天壤誰敢邀餘光再拜眉山集
一上秋聲堂殘馥果容巧永流千古芳

湓城客思

客懷歷落事多違嘆息流光似箭飛雪後萋蒿初薦酒
花前蛺蝶欲穿衣熟知江水磨今古難向春風問是非
悵望廬山但愁絕萬重雲鎖幾禪扉

晚登會真道堂望廬山大江作

春風燠江城樓臺眩桃李高堂一臨眺傍觀謂予喜予

心實不然俯視憫羣蟻通衢闕塵埃委巷困泥滓膏火煎熬間樊牆限茅葦溷處雜酸呻清思何由起別有天地寶注此兩眸子北拱五老峰西傾九派水冥冥淡烟外烟烟殘雪裏元氣所融結萬古奠南紀中有不死人神遊常在此安得月明夜嘯風控赤鯉導迎呵江神殿護叱山鬼脩靜無談玄慧遠勿析理亦不用湘靈瑤瑟鼓葱指稽首青蓮仙大雅叩吟髓前陶後蘇黃相與奏宮徵靈文九霄秘玄關一時啟恍兮發浩歌洞見開闢

始迴謝人間世日夜蟲生蟣腥膩纏臭帟聞此穢或洗
黃冠似予知具茗亦粲爾歸卧不成眠汲井漱寒齒

用韻謝史山長憇秀招飲醉甚

日困公家酒身浮似片雲扶歸忘路遠鼯卧過宵分真
是杯中聖殊非馬上醺老饕何可數合作送窮文

次韻謝黎制幹

夢祥年七十四和予
醺字詩甚佳成都人

壽垂登八十落筆尚凌雲閱世千帆過觀人一鑑分黑
知鬚未染紅覺貌如醺勿謂先生老非熊或遇文

題會真道堂

併序

眉山袁堯龍史憲秀袁舜龍安岳牟溶梓潼王
申祿古歛金九鼎方回武林方興宗訪涪陵道
士景遇賢凡九人同茗至元甲申二月十四日
也為此詩者方回

八客一道士臨風舉茗盞孔老業不同同具看山眼其
六惟坤珍三寶吳楚產稟氣殊東西粹美無可東景仙
幻斯堂土阜高巉巉飛來九疊雲城闕不可限泉貝似

神助草棘使鬼刻有官頽厥府視此得無赧秘錄誦琅
函芳字紀玉版他時千柱宮咄嗟了鳩僦吾儕昔英妙
文采炳彪戲暮年閱世故豪氣就磨鏟願超栩栩夢不
受俗網縮未信結鄰樓尚隔劔門棧壁間鬼谷像怪睛
一何睥似與墮圯履粉飾增著撰滋長事為心予欲刊
蠹簡春色浮汀洲荻笋初可饌焉得逡巡手百甕漉醴
醖醉魂遨太清萬劫一笑莞

次韻會真堂呈景高士

夜卧月一枕晨漱泉一盞斯人世未識廬阜乃具眼片
影下岷峨辟穀謝常產何樹不可巢老鶴以意東岢岢
九江城九坡何嵯嵯碧天落吾手了無藩籬限煙霞爭
自獻蛇鼠不待剗空瓢無餘物非病未足赧山如缺一
簣城或少三版汝畫古所譏匠事誓終偃愚生霧雨姿
皮毛惜文麤紛華梯衝來以道與鑄鏹匣劍藏百鍊悅
巾解六綰真游闢坦途塵慮杜危棧康董不可覲覘脫
費瞠睥景叟無乃是功行堪論撰便堂請丹經豈必詔

青簡飢從景叟遊不顧八珍饌渴聽景叟言焉問九醞
醜我漫爾其聊此粲彼亦莞

次韻謝余知郡

傳

和予識山會飲韻

傳惠州人嘗
權吉陽軍

衣冠竒古舊儒風湖海襟期臭味同七字不妨容我和
一樽酒欠與君中春光是處饒生意山色何曾礙太空
九疊雲屏三笑路何當偕訪虎溪翁

題觀妙軒

併序

三都釣叟景高士卜築會真福地予三謁茗與

題詩矣念所對廬阜之軒不可無名取老子觀
妙語書二字畀之復為近律一首

前身恐是靖廬公手擘崔嵬棟此宮拔地三三屏特起
藏天六六洞潛通淵明山氣忘言外太白秋聲靜坐中
一洗丹元童子眼待看鸞鶴下晴空

桐江續集卷三